

TSCHANTAMAINTS

da la società Randulins, Sent (SRS)

In la società Randulins Sent pon entrar persunas e lur descendents d'origin da Sent, emigrats principalmaing in Italia

preambel

I Nom e residenza

1. Ils Randulins, Sent (SRS) fuorman üna società i'l sen da l'art. 60 e seg. dal cudesch civil svizzer, cun sez a Sent. definiziun
2. La SRS es politicamaing e confessiunalmang neutrala. politica / religiun
3. La lingua da la SRS es il rumantsch ladin e l'italian. lingua

II Mera, böt, incumbenzas

4. La SRS ha sco mera da svagliar e cultivar l'amicizcha tanter ils Randulins e da cultivar il contact tanter cumün e Randulins. mera, böt
in general

III Commembranza, dret da vuschar

5. Commember/ra da la SRS po dvantar chi chi accumulscha ils criteris tenor il preambel, chi ha cumpli 16 ons, e chi paja la contribuziun annuala. commemoranza
6. Il dret da vuschar cumainza davo cha la commemoranza es acceptada da la radunanza generala. dret da vuschar:
7. Persunna juridicas pon dvantar commembras da la società. Ellas han dret d'üna vusch. Quella ha dad esser preschainta in radunanza sco vusch singula. persunas juridicas

IV Finanzas, facultà, responsabilità

8. La facultà da la società as cumpuona da contribuziuns da commembers, otras contribuziuns, donaziuns, entradas d'arrandschamaints etc. finanzas, facultà
9. Per impegns da la società sta bun be la facultà da la SRS. Mincha responsabilità persunala es esclusa. responsabilità

V Organisaziun

10. Ils organs da la SRS sun: organs
- a. la radunanza generala
 - b. la suprastanza
 - c. ils revisurs da quint
11. La radunanza generala rad. generala:
1. La radunanza generala es l'organ superiur da la SRS. Ella vain salvada annualmaing il mais avuost - descripziun
 2. Radunanzas generalas extraordinarias pon gnir convocadas da la suprastanza o sün dumonda d'almain 1/3 dals/las commembers/ras. - rad. extraord.
 3. La banida a la radunanza generala o extraordinaria ha da seguir almain 20 dis ouravant. - banida
 4. La radunanza generala ha las seguaintas incumbenzas : - incumbenzas
 - stipular ils tschantamaints
 - tscherner per la dürada d'uffizi da 4 ons la suprastanza, - tschernas
q.v.d. il (la) president(a), e la suprastanza.
 - tscherner duos revisurs/as da quint .
 - approvar:
 - > il protocol da l'ultima radunanza - protocol
 - > il rapport annual dal(la) president(a) - rapports
 - > il rendaquint
 - > il rapport da revisurs
 - > ils programs da lavur per l'on ventur da gestiun - preventiv
 - fixar la contribuziun annuala - contrib. annualas
 - decider da l'admissiun e l'exclusiun da commembers/ras. - com. novus
12. La suprastanza suprastanza:
1. La suprastanza as cumpuona dal(la) president(a) tschernü(da) da la radunanza generala, e da duos fin quatter commembers/ras. - descripziun
 2. Ella as constituischa sves. - as constituer
 3. Ella vain tschernüda per quatter ons. - dürada,
 4. Ella maina la gestiun da la SRS - funcziun
 5. Ella rapreschainta la SRS vers l'extern.
13. Ils/las revisurs/as da quint revisurs
1. Ils/las revisurs/as da quint han da controllar il quint da gestiun e'l stadi da facultà da la SRS. - incumbenza
 2. Els/las han da preschantar ün rapport in scrit, a man da la radunanza generala. - rapport

VI Schoglimaint da la SRS

14. Il schoglimaint da la società SRS Sent ha da succeder cun decisiun da la radunanza generala. In cas d'ün schoglimaint dess gnir depositada sia facultà pro la Banca Chantunala Grischuna e gnir administrada dal cumün da Sent. schoglimaint

15. Scha infra 10 ons nu vain fundada ün'otra società culs istess böts, scrouda la facultà definitivmaing ad ün fuond da cultura administrà dal cumün da Sent. successiun

VII Disposiziuns finalas

16. Quists tschantamaints sun gnüts acceptats da **la radunanza da fundaziun dals 14 avuost 2008**, ed aintran in vigur subit. Quella radunanza vaglia sco prüma radunanza generala da la SRS. entrada in vigur

7554 Sent, als 16 avuost 2008

Il/la president/a:

L'actuar/a:

sig. Ida Zisler

sig. Nicoletta Scheucher-Salmon